

N<sup>g</sup>  
2275









INSTRUMENTVM

PROTESTATIONIS  
CVM INSERTA OBLA-

tione cautionis de non turbando:

nec non eventuali provocatione: der Durchleuchtigen  
Hochgebornen Fursten vnd Herrn/ Herrn Ernstens Mar-  
graffen zu Brandenburg/ in Preussen/ 2c. Herzogen/ 2c.  
Vnd Herrn Wolffgang Wilhelmen Pfalzgraffen bei  
Rhein/ in Baweren/ 2c. Herzogen/ 2c. contra des Wolge-  
bornen Herrn Simons Graffen vnd Edlen Herrn zur  
Lipp/ vnbefugte gewaltsame attentata, ahn  
vnd ober der Statt Lippe.

Sambt angefügten/ Pfandtsuerschreibung /  
Eidlichem Erbuertrag/ vnd angegebener Kayserlichen  
Commission/ warauß der vnpartheyliche Leser zu-  
uerstehen / wohin es numehr in der  
welt kommen wolle/ 2c.



Gedruckt in ihrer F.F. G.G. Statt Dusseldorff durch  
Bernhard. en Buisß/ im jahr 1610.

INSTRUMENTUM

PROTESTATIONIS

CVM INSTRUMENTA ORBIS

TOLE CANONICIS DE ROYALDOR

RECTORIUM HUIUSMODI

RECTORIUM HUIUSMODI

RECTORIUM HUIUSMODI

RECTORIUM HUIUSMODI

RECTORIUM HUIUSMODI

RECTORIUM HUIUSMODI

RECTORIUM HUIUSMODI

RECTORIUM HUIUSMODI

RECTORIUM HUIUSMODI

RECTORIUM HUIUSMODI

RECTORIUM HUIUSMODI

RECTORIUM HUIUSMODI

RECTORIUM HUIUSMODI

RECTORIUM HUIUSMODI

RECTORIUM HUIUSMODI

RECTORIUM HUIUSMODI

RECTORIUM HUIUSMODI

RECTORIUM HUIUSMODI

RECTORIUM HUIUSMODI

RECTORIUM HUIUSMODI

RECTORIUM HUIUSMODI

RECTORIUM HUIUSMODI



**I**n Nahmen Gottes Amen/ Kunde  
vnd zuwissen sei jedermenniglich/ dem  
diß offen Instrument zusehen/ zulesen/  
oder zuhören furkömmt/ daß im  
Jahr nach vnsers Herrn Christi ge-  
bürt Ein Tausent Sechshondert vnd zehen/ in der  
Achten Römer zinszahl/ zu Latein *Indictio* ge-  
nant/ bei Regierung des Allerdurchleuchtigsten/  
Großmechtigsten/ vnd vnüberwindlichsten Für-  
sten vnd Herrn/ Herrn Rudolphen des andern die-  
ses Nahmens/ erwölten Römischen Kayfers zu al-  
len zeiten Mehrers des Reichs in Germanien/ zu  
Hungaren vnd Bohaimb/ Königs/ Erzherzoges  
zu Osterreich/ Herzogs zu Burgundt/ Steyer/  
Carndten/ Crain/ vnd Burtenberg/ Grafen zu  
Tyrol/ vnsers Allergnedigsten Herrn/ ihrer May-  
Reich/ des Römischen vnd Bohaimbischen im  
Sunff vnd dreissigsten/ des Hungarischen in Achte  
vnd dreissigsten Jahr Montags den achten Mo-  
natstag Januarij alten Calenders vmb vier vhr  
nachmittags zu Lemgo auff der Mittelstrassen in  
Keinicken Heeters behausung zur Rosen genandt  
in der hintern Camern/ vor mir vntenbenanten/  
vnd Arnoldt Querrodt/ als beiden offenbaren No-  
tarien erschienen sein/ die Edle Gestreng/ Ehrnuest  
vnd hochgelehrt Herr Bernhart von dem Roma-  
berg/

Berg/zu Massen/ Droft des Ampts Wetter in der  
Graffschafft Marck / vnd dan Meinhardt Die-  
thart der Rechten Licentiat: Vnd hat vns jetzbenen-  
ter Licentiat Diethart zuuerstehen geben: Dem-  
nach den Durchleuchtigen Hochgebornen Fürs-  
ten vnd Herrn/ Herrn Ersten Marggraffen zu  
Brandenburg / Herzogen in Preussen/ 2c. Vnd  
Herrn Wolffgang Wilhelm/ Pfaltzgrauen bey  
Rhein in Bayern/ Herzogen/ 2c. vnsern gnedigen  
Fürsten vnd Herrn/ gegen den Wolgebornen  
Herrn/ Herrn Simon Graffen vnd Edlen Herrn  
zur Lippe/ 2c. vnsern gnedigen Herrn/ wegen halb-  
scheidt der Statt Lipp vnd deswegen entstehenden  
beschwermissen/ etliche streit vnd irrungen für gefal-  
len/ vnd dan Hochgedachte ihre FF. GG. Sie  
beide/ vermög vorgezeigten vorseigelten *Memorials*  
dieser vrsach halben gnedig abgeordnet/ gestaldt ei-  
ne in handē habende schriftliche versiegelte *materj*,  
durch zween offenbare Notarien mit einer beige-  
fugten Copien, *auscultirn, collationirn*, vnd der gebür-  
*autentisirn* zulassen: Hernacher sich nebē den zweien  
Notarien zu wolgebornen Herrn Graffen nacher  
Braeck/ oder wo ihr G. anzutreffen sein möch-  
ten/ zuuerfuegen/ Dero solche *materj* vorzulesen/  
Gopeilich zuzustellen/ vnd dero selben darauff vol-  
gende *resolution* zuuernehmen/ vnd durch die Nota-  
rien



rien vleissig in acht nehmen vnd beschreiben zulassen: Als hetten sie zu dem ende vns beide als offene Notarien beruffen/ vnd wolten in namen Hochgedachter ihrer F. F. G. G. vns vnsers tragende Ampts vnd aidts halben fleissig vnd ernstlich *requiriret* haben/ wir wolten sothane *materj* mit Gopei conferiren/ aufscultiren/ vnd der gebür vidimiren: Dan nachgehens/ wan inē bey mehrwolgedachte Herrn Graffen audienz gestattet wurde/ vns mit ihnen nacher Braeck zubegeben/ der proposition/ vorlesung/ vnd darauff erfolgenden resolution/ auch alle andern *actibus* vñ handlungē beizuwohn/ alles vñ jedes so furlauffen/ geredt oder gehandelt wurde/ fleissig *ad notam* zunehmen/ daruber eins oder mehr Instrument vmb die gebür zuuerfertigen/ vnd ihnen mitzuthellen: Als nun solches ihr ansuechen vnd requisition wir tragenden Ampts halben zuweizern nit gewust/ haben sy vns beiden Notarien eine protestation/ *cum inserta oblatione cautionis de non turbando, nec non euentuali provocatione, &c.* mit einer copien zugestellt/ so wir auff ihr begeren gegen einander aufscultirt/ collationirt/ vñ folgendts der gebür durch vnsrer beider subscription authenzizirt: vnd lautet dieselbe Materi von worten zu worten wie nach folgt:

*Protestatio cum inserta oblatione cautionis de non*

A 3

turbando

*turbando, nec non euentuali provocatione,* der Durchleuchtigen / Hochgebornen Fursten vnd Herrn / Herrn Ernsten Marggrauen zu Brandenburg / in Preussen / ic. Herzogen / ic. Vnd Herrn Wolffgang Wilhelm Pfaltzgraffen bei Rhein / in Bayern ic. Herzogen / ic. *contra* den Wolgebornen Graffen Simon von der Lippe / ic. Die Durchleuchtige / Hochgeborne Fursten vnd Herrn / Herrn Ernst Marggraff zu Brandenburg / in Preussen / zu Stettin / ic. Herzog / ic. Vnd Herz Wolffgang Wilhelm Pfaltzgraff bei Rhein / in Bayern / ic. Herzog / ic. haben nicht ohne sondere gemuthsbewegung vernommen / Was massen der Wolgebornen vnd Edler Herr / Herr Simon Graff von der Lippe / ic. nun eine zeithero / vnd zwart etliche viel Monaten / vnter dem schein einer Kayserlichen Commission sich fast gewaltsamer weisz zu ihren FF. GG. genötiget habe / vñ noch immer fort vnd fort sich nötigen solle / in deme er die halbscheid der Stat Lippe / so vor etlichen hundert jaren / vnd also weit ober eines / zweier / dreier menschen gedencen / denen Herzogē von Cleue vñ Graffen von der Marck eigenthumblich zustendig gewesen / vnd numehr nach ableiben weiland des Durchleuchtigen Hochgebornen Fursten vnd Herrn / Herrn Johan Wilhelm / Herzogen zu Gulich / Cleue vnd Berg /  
auff

auff ihrer FF. GG. Chur: vnd Fürstliche Principa-  
len gekommen/ sambt allen darzu gehörigen  
Hoheiten Jurisdictionen/ Geistlichen vnd Welts-  
lichen/ Renthen vnd Gulten/ vnd in summa allen  
pertinentien vnd Gerechtigkeiten/ wie die nahmen  
haben mögen/ an sich zuziehen/ dem Rhyate vnd ab-  
gemeiner Burgerschafft die Erbhuldigung abzu-  
zwingen/ alle Renthen/ Zinse vnd jährliches ein-  
kommen vor sich allein zubehalten/ auch den schlüssel  
zu der Suderpforten allein bei sich zuhaben/ wie  
auch den gesambt Richter in seine pflicht allein zu-  
nehmen/ vnd das Gericht in seinem nahmen auch  
allein besetzen vnd verrichten zulassen/ vermeinet/  
vnd in solchem vnbilligen beginnen/ vngeachtet  
was darwieder sowoll der Kanserlicher Gesandter  
Hans Reichardt von Schönberg/ als ihr FF.  
GG. selber/ vnd die Gleuische Regierung an ihr G.  
in vnterscheidenen schreiben beweglich gelangen  
lassen/ bis dato noch immer fort fehret/ vnd vor-  
setzlich beharret/ Waran aber wolgemelter Herz  
Graff/ wieder die Göttliche vnd alle beschriebene  
Rechte/ die dergleichen *spolia*, abnahmen/ vnd ge-  
waldthaten bei höchster straff verbiethen/ bis da-  
hero gehandelt vnd noch handelt/ vnd ahn iren FF.  
GG. vnd dero Chur: vnd Fürstlichen principalen  
sich fast vnuerantwortlich vergreiffet. Dan ob ihr  
G.

Es woll sothane vnbillige gewaldthat/ mit dem *pre-*  
*text* einer Kayserlichen Commission zubemantelen/  
vnd zu rechtfertigen gedencet. So gibt er jedoch  
der ganken welt vnd allen vernunfftigen dabei vn-  
schwer zuerkennen/ das es vmb solche vermeinte  
Commission ein nichtiges gesebtes/ vnbestendiges  
vnd crafftlos ding sei. Dan erstlich sowoll auß dero  
obel außbrachten commission vom zwanzigsten  
Martij des sechs zehenhundert vnd andern jahrs/  
als darauff erfolatem fernern Kayserlichen *paenal*  
*mandato* vom 20. Julij dieses außgehenden sechs zeh-  
enhundert vnd neunnden jahrs/ klärlich zusehen/  
das auff sein des Herrn Graffen einstendiges bit-  
ten vnd importuniren/ solche Commission vnd man-  
dat außpractisiret worden/ Nun wollen aber die  
vernunfftige vnd billiche Rechte/ *quod quilibet Iu-*  
*dex seu Commissarius per importunas preces seipsum*  
*negotio ingerens, commissionem reddat suspectam & in-*  
*validam, & proinde talem recusari & rectè rejici posse.*

Wie dan auch auß obberutter commission vnd  
Mandato ebener massen recht zusehen/ das so-  
thane berumbte Commissiō/ wie sie getaufft wird/  
anders nichts/ dan ein pur lauter geschencck vnd re-  
compens sei/ dero von dem Herrn Graffen nicht al-  
lein bei seinem tragenden Westphälischen Graiß  
Obristen Ampt/ vnd allerlei ihme anbeuolhenen  
Commissio

Commissionen/sondern auch vnd zuserst wegen  
werbung einer anzahl Kriegsvolcks bei vñ langstem  
Hungarische Kriegsweisen/irer Kay: May: bewie-  
senen getrewen diensten/ vñ dafur ihme solches als  
les gegeben vnd geschenckt worden. Nun ist aber  
auch vnzweifelichen Rechtens/ *quod dispositiones ac  
rescripta, verbis alijs quam proprijs enuntiata, præsump-  
tionē doli inducant, qui actum ipso jure nullum reddat.*

Weiters ist auß ebener Commission vñnd  
Mandato buchstablich zusehen/ das des Herrn  
Graffen *preces*, vñ die darauff erfolgte Kaiserli-  
che concession/gantz vngleich vñ sehr weit von ein-  
ander sein/vñ die concession ein viel mehrers in sich  
begreift vñ giebet/ als jemals gebetten worden/  
Einthema die *preces* nur darauff gerichtet/ weil  
der Herz Graff in sorgen stehen muste/ das bei so  
gefährlichem stande/ bei welchem dero zeit die be-  
nachbarte Gulichsche/Gleusche vñ Bergische Lan-  
de sich befunden/ vñ bei dero vngewissen Successi-  
on derselben/ da der jetztregierender Herzog ohn  
Eheliche leibs Erben mit thodt abgehen wurde/ ge-  
dachtet sein halber theil auff solchen fall leichtlich in  
vnrube vñnd gefahr aesezt werden möchte: Das  
denmach ihre Kay: May: geruehen wolte/noch bei  
lebzeiten besagtes Herzogē die versuegung zuthun/  
damit er in furff tiges keine hinderung/ gefahr noch  
trüebfal

3

trüebfal

fruehsal/ an seinem halben theil zubefahren hette ic  
Die concessio aber simpliciter dahin lautet/ das er  
Der Herz Graff/ neben seinem/ auch den andern  
halben theil an der Statt Lippe/ sambt allen zube-  
hörungen rffn fall inhaben/ vñ die *justitiam* daselbst  
allermassen dieselbe gegenwertig administrirt/ ver-  
walten/ vnd sonsten alles thun vnd volnzichen sol-  
le vnd möge/ was der Herzog von Gleue wegen sei-  
nes halben theils daselbst zuthuen/ vñ zuuolnzichen  
beuechtiget were. Welche *preces* vnd *concessiones*  
keiner nicht siehet/ das sie nicht *toto cælo diuersissima*  
sein solten. *At qui in iure itidem tralatitium est, preces*  
*impetrantis, atq; fauorem concedentis regulariter de-*  
*bere esse conformes, nec alterum alteri præponderare*  
*debere, alioquin in concessione abundans concidere &*  
*pro superfluo ac caduco haberi.*

Entlich da es gleich mit dieser vermeinter Com-  
mission seine guete richtigkeit hette /vñ deroselbē kei-  
nes von oberzelten entgegen gesetzt werden könd-  
te/ So ist doch dieses gewis/ vnd vnlaugbar/ das  
der halbscheidt an der Statt Lippe ein *allodial* vnd  
volkommenes Erbeigenthumbliches stück sei/ Der-  
gleichen *sine publica utilitate, & præuiâ condigna re-*  
*compensa* zuuerschencken/ ihrer Kayf. Mayt: nie-  
mals zu sinn kommen/ auch nicht zu sinne kommen  
konnen/ wie solches auch ein allgemeine *juris theoricæ*  
ist/

ist / dero in iudicando bisz daher gefolget worden /  
Ausz welchem allen wie obgedacht / leicht zuermes-  
sen / was es mit dieser angegebenen berümbten  
Commission für eine gelegenheit habe / vnd wie  
weit dieselbe dem Herrn Graffen in vorhabender  
vnzimblicher gewaldthat vnd spolio patrociniere  
könnne / Wan aber wider sothane vnd derglei-  
chen vnbesügte vnchristliche vornemen / eingrieff /  
vnd beschwernussen / die vernunfftige vnd billiche  
Recht heilsamblich verordnen / Das ein jeder gra-  
uatus nach gelegenheit protestiren / auch woll ap-  
pelliren / vnd durch dergleichen juris remedia sich in  
seinem recht vnd besitz erhalten / vnd dagegen dem  
Widrigen grauirenden theil in seinem vnbesüegten  
beginnen / turbationen vnd vornemen abhalten /  
vnd verhindern könnne. So wollen auch Hochge-  
dachte ihre FF. GG. vor sich vnd an statt ihrer  
Schur vnd Fürstlichen Principalen von obgedach-  
ten des Herrn Graffen von der Lippe vnbillichen  
vornemen / turbationen / spolijs vnd gewaldthaten /  
wie die algeret fürgenommen vnd geschehen / oder  
noch fürgenommen oder geschehen möchten / hiemit  
auffz zierlichst / vnd omni meliori modo, wie solches  
zu Recht geschehen soll / kan oder mag / protestirt  
vnd bedingt / dem vnbesüigten Gegentheil in sei-  
nem vnzimblichen beginnen vnd vnrechtmessigen

B 2

attentaten

attentaten/stillschweigend nicht eingeräumt/son-  
dern denselben auff's frefftigst vnd bestendigst con-  
tradicirt vnd widersprochen/ vnd ihnen alle vnd iea-  
de *competentia remedia, tam juris quam facti* darwider  
vorbehalten/ vnd den vnbillichen Gewaltdü-  
benden gegenheil dahin vermahnet haben/ von  
dergleiche vnuerantwortlichen eingriffen mit allein  
hinsuro abzustehen/ sondern auch diese algerait ab-  
gedrungene *spolia*, ahn Korn/ Kindvieh/ Pferden/  
Gelt/ Schlüssel/ vnd wie das namen haben mag/  
zu restituiren/ vnd ein jedes vnfaumblich/ an seinen  
ort vnd stelle/ wie es anfangs vnd fur vorgenoh-  
menen vnbillichen turbationen vnd spoliationen ge-  
wesen/ wieder zuuerschaffen. Dagegen erbiethen  
Dffthochgedachte ihre FF. GG. bei ihren Fürstli-  
chen ehren vnd trewen sich hiemit/ oder do solches  
dem Herrn Graffen nit gnugsamb sein solte/ wollen  
ihre FF. GG. bei iren Chur: vnd Fürstlichen Prin-  
cipalen/ dem Herrn Graffen zu aller gnüge eine bes-  
sere Caution vnd versicherung zuwege bringen/ vñ  
ihne dieselbe zu guten handen einreichen lassen/ das  
sie ihn den Herrn Graffen/ in dem andern ihme zu-  
stendigen halben theil vngeturbirt vnd ruehig ver-  
bleiben lassen/ vnd darin zu seinem nachtheil/ hin-  
derung/ gefahr/ oder er truesal durchaus nichts vor-  
nehmen/ sondern alles in vorigem vhralten zustandt  
vnd



vnd esse stehen vnd bleiben lassen wollen/ Derges  
stalt vnd also/ das er ohn alle sorge sein/ vnd des we  
gen einer sothanen weitaußsehenden Commission  
nit bedurffen solle. Zumfal aber diese rechtmessige  
abgetrungenene Protestation vnd guetliche vermaho  
nung bei dem Herrn Graffen keine statt finden sol  
te/ sondern er in angefangener vnchristlichen vnd  
vnrechtmessigen gewaldthat vnd spoliation trohzig  
lich zu continuiren jme ferner gelüsten lassen wurde/  
Auff den fall wollen ihre FF. GG. hiemit von so  
thanen vnleidlichen *grauaminibus* vnd gewaldthas  
ten/ vnd woher dieselbe ihren vrsprung vnd vrsach  
haben vn̄ nemen mögen/ dan als jetzt/ vnd jetzt als  
dan bestendigster weisz Rechtens sich berüffen/ vnd  
ann die Röm. Kay. Mayt: ihren Allergnedigsten  
Herrn *cei à Casare male informato ad melius infor  
mandum* vnd das ganze Römische Reich/ Chur:  
Fürsten vnd Stende appellirt haben/ Der Allere  
vnterthenigsten vn̄zweifelichen zuuersicht/ ire Kay:  
Mayt: Chur: vnd FF. GG. diese sachen vnd alle  
dero anhengige vn̄ zubehörige in iren schutz/ schirm  
vnd defendirung/ allergnedigst/ gnedigst vnd gne  
dig auffnemen/ vnd darwider ferner nicht attenti  
ren noch gebahren lassen werden. Inmassen dan  
auch ihre FF. GG. das gnedige vertrauen gleiche  
woll zu dem Herrn Graffen setzen/ Er zum wenige  
sten

stend dieser rechtmessigen Appellation *in reuerentiam*  
*S. Cesare.e Maiestatis, nec non reliquorum Imperij*  
statuum deferiren, vnd mit angefangener gewaltdo  
that/ so lang biß ein anders zu Recht wieder ihre  
FF. GG. vnd dero Schur: vnd Fürstliche Principa  
len außgefuhrt vnd erkandt worden/ inhalten wer  
de/ Wie dan ihre FF. GG. hinswider des gnedigen  
anerbithens/ diese eingewandte Appellation ge  
buerlich zu prosequiren/ vnd vor einem rechtmessig  
gen/ vnd im Hey: Römischen Reich Teutscher Na  
tion vnter Schur: vnd Fürstlichen personen gewohn  
lichem vnd herthommenem Gericht dero rechtmess  
sigen erkandtnus zuerwarten. Da aber ober zu  
uersicht auch dieser wolbegrundten vnd rechtmessig  
gen Appellation der Herz Graff sich irreuenter  
widersetzen vnd daruber noch ferner attentiren/ vñ  
in angefangener gewaltdt beharlich continuiren  
wurde/ Auff den fall soll gleichwol der Herz Graff  
ihme keinen zweivel machen/ ihre FF. GG. die in  
der Natur vnd Rechten zugelassene Defensions:  
vnd recuperations mittel also zutreffen vnd ahnd die  
handt zunemen/ gelegenheit haben werden/ das es  
ihme vnd seinen Vnderthanen ahm zutreglichst  
vnd gefelligst nit sein/ Man auch dabei der cost  
en/ so dergleichen *armatae defensiones*, zuerfordern  
pflegen/ nit vergessen werde: *de quo iterum atq; itez*  
rum

rum protestantur. Vhrkundtlich haben ihre FF.  
GG. diese Protestation/ Obiation vnd Prouoca-  
tion mit ihren Secreten bekräftiget/ vnd eigenen  
handen vnterschrieben/ Actum den 29. Decembris  
Anno 1609.

Ernst. subs: Auß sonderbarem beuelch ihrer  
S. G. meines Gnedi. Fursten vnd Herrn/ Herrn  
Pfaltzgraff Wolfgang Wilhelm/ ic. Luedewig  
Andreas Lemlein. subs:

Geschehen ist dieses alles im jahr/ monat/ tag/  
stundt vnd orth wie obstehet / In beisein vnd ge-  
genwart der Erbaren Bertram Marcker / vnd  
Scoto von Stipel als hizu insonderheit erforder-  
ter gezeugen.

*Arnoldus Aueradt, Not: prænominatus approbat.*

Nachgehends vff nechstfolgendē Dinstag/ war  
der neunter Monatstag Januarij im Sechszehen-  
hundert vnd zehenden jahr/ sein obbenenter Herz  
Drost zu Wetter/ vnd Licentiat Diethart vff beger-  
te audienz/ von wolgedachtē Herrn Graffen etwas  
nach ein vhr Nachmittags auff den grossen Saal  
gefördert/ alda nach beschehener gebührendē Ehr-  
erbietung vnd begruessung benanter Herz Licentiat  
in personlicher gegenwart des Herrn Graffen/ vnd  
ihrer G. dreier Söhn/ Herz Simon des jungern/  
Herrn

Herrn Herman/ vnd Herrn Otten gebrüder/ Gra-  
uen zu der Lippe/ 2c. auch anderer ihrer G. anschn-  
lichen Herrn Käthen/mündtlich angezeigt/ Mehr-  
hochgedachte ihre FF. GG. liessen zuuorderst irer  
G. dero gnedige begruessung vnd erbietung annel-  
den/ Vnd demnach er neben vielbesaaten Herrn  
Drosten von Hochgedachten ihren FF. GG. zu  
ihrer G. abgefertigt/ deroselben eine protestation,  
*cautionis oblation vnd euentual prouocation &c.* in ge-  
genwart Notarien vnd Gezeugen vorzulesen/ Cop-  
pen mitzutheilen/ vnd darauff *resolution* zuuerne-  
men/ Als bate er/ihr G. wollen sich gefallen lassen/  
sothanes anzuhören/ vnd sich ferner darüber zuer-  
klaren. Nachdem der Herz Graff durch ir G. Can-  
klern/ Herrn Balthasar Knausten der Rechten  
Doctoren wegen der begrüßung vnd erbietung der  
gebür bedanckt/ vñ sich erklet/ das sie die verlesung  
gedachter protestation woll erleiden vnd anhören  
koune/ hat mehrgedachter Herz Licentiat dieselbe  
(nechst fur zeigung der Fürstlichen insiegeln) wie die  
von wort zu wort haben inserirt/ öffentlich vñ laut-  
bar vorlesen/ vnd nach der vorlesung ihrer G. *vidis-  
mirte* Coppen zugehandiget/ Darauff haben ihr G.  
durch gedachten Herrn Canklern anzeigen lassen/  
Ihre G. haben das/ was jetzt verlesen/ gehört vnd  
verstanden/ Weil aber die sach wichtig/ als wolle  
sie

sie vmb einholung rhatz abtretten/ vnd sich fol-  
gents resoluiren. Als nun nach genommenem ab-  
trit obwolgedachte iunge Herrn Graffen/ mit  
sambt den Herrn Râthen wider auff den Saal kö-  
men/ haben mehrwolgedachte ihr G. durch berura-  
ten Herrn Cantzlern furtragen lassen/ vngesehr  
nachfolgender massen. Obwoll ihr G. ganz gern  
sich selbst personlich bei der resolution wider ein-  
gestellt hette/ weil aber kundtlich/ das sie wegen lei-  
bes schwachheit vbel zu fueß/ vnd lenger zustehen nit  
vermöchten. Als begerten ihr G. sie dießfals fur  
entschuldiget zuhalten: hetten aber ahn ihre stat ire  
drei anwesende Herrn Söhne dieser handlung fer-  
ner beizuwohnē/ substituiret vñ verordnet. Sowi-  
el dan die verlesene Protestation belangte/ hetten ihr  
G. solches neben dero Herrn Söhnen vnd Râthen  
reiflich in bedencken genommen vnd erwogen/ im  
wenigsten aber zu Mehrhochgedachten ihren FF.  
GG. nit verhoffet/ das von denselben ihr einig ge-  
waldtsambes/ vnchristlich/ vnrechtmessig/ vnuer-  
antwortliches *spolium* oder vornemen zugemessen  
werden solte/ dan in demselben ihrer G. vor Gott/  
Kay: May: vnd dem ganzen Römischen Reich vn-  
guetlich geschehe/ vnd solches ihr ohn fueg zugelegt  
wurde/ so in ewigkeit rechtlicher gebühr nit beige-  
bracht werden köndte/ Sie auch ihr G. nie nit zu  
G sin

sinn kommen/etwas/so zu nachtheil ihrer FF. GG  
gerichte/vnbillich oder vnrechtmessiger weis zu be-  
ginnen/weniger in der that zuuolziehen. Vaten  
derowegen/das die Herrn Abgesandten ihren FF.  
GG. neben anerbietung ihrer ganzwilligen dien-  
sten/ solches getrew: vnd glimpflich referiren vnd  
hinterbringen wolten/ auff das Hochgedachte ihre  
FF. GG. wie bis anhero/ also auch hinfort ihrer  
G. nit abgeneigt sein/ Beuorab aber mit sothanen  
der Protestation einuerleibten anzepffen in gnaden  
verschönnen wolten/ Vnd sei ihr G. ihren FF. GG.  
gestliessene dienst. (inmassen nie anderst erspüret) als  
len verindagen nach zuerweisen vrprieta. Das nun  
aber von Mehrhochgedachten ihren FF. GG. die  
halbscheid der Statt Lippe/darauff der einhalt der  
Protestation/ *oblation cautionis*, vnd *eventual pro-  
uocation* einig gerichtet/ disputirlich gemacht wer-  
den wolle/ Erachten ihre G. nit dafur/ das jr des-  
fals mit vielhochgedachten ihren FF. GG. sich in  
disputat einzulassen gar nit gebüre/ Sintemal von  
der Röm: Kay: Mayt: vnserm Allergnedigsten  
Herrn/ ihrer G. Commission ertheilt vnd zukom-  
men/ nach deren inhalt sie sich allerdingß verhaltē/  
ahn welche sie dan diese sachē geschoben haben wol-  
ten/ Vnd wurden sie die Herrn Gesandten noch je-  
mandt anders ihr G. billich nit verdenccken können/  
Das

Das sie bei so alnoch gestalten sachen sich nach inhalt  
jektangeregter Kay: Commission verhielten vnd das  
von nit abstunden/ wie sie dan auch nit wusten/ wie  
sie als Kayserlicher Commissarius in einigem punct  
von der Kay: Commission bisz sie deren von Kay:  
Mayt: als Comittenten allergnedigst erlassen/ ab  
zustehen/ nit recht genötiget werden möchten. Vnd  
weren deshalb ihr G. gedacht/ solches an ire Kay:  
Mayt: aller vnderthenigst gelangen zulassen/ Ihr  
G. wusten beinebens sich noch zuentsinnen/ was  
Kayserlicher Abgesandter Hans Reichardt von  
Schönberg/ dan auch die Gulichsche Rhäte vor  
diesem an ihr G. schriftlich gelangen lassen/ Dar  
auff aber haben ire G. ihre widerantwort schrift  
lich gethan/ hernach auch solches Allerhöchstge  
dachter Kay: Mayt: furbringen lassen/ So aber  
die vorertheilte gnedigste Commission nit aufge  
hoben/ sondern villmehr confirmirt vnd bestettiget/  
wie das lauter auß den *emanirten pœnali Mandato*  
zuersehen/ vnd dern Buchstablicher inhalt mit sich  
bringt. Das aber ihr G: mehrers/ dan *tenor com  
missionis* mit sich bringt/ oder ihr von der Kay:  
Mayt: committiret gewesen/ verrichtet oder fur  
genommen/ solches werde gar nicht gestanden/  
vnd wolle sich deshalb auff den buchstaben  
mehrangeregten Kayserlichen Commission/  
G 2 vnd

Vnd *penalis mandati referirt*, vnd gezogen haben.  
Damit aber vielhochgedachte ihre *FF. GG.* vnd  
deren Abgesandten zusehen hetten/das die *Commissio*  
*on* vnd *Mandatum* nicht schlechtlich *expractizirt*/  
oder allein auß vergünstigung oder befurderung ei-  
nes oder des andern *Rhats* expedirt vnd gefertig-  
et / sondern *causâ in Consilio tractatâ* von Kay:  
Mayt: sellt / vnd andern *in forma subscribirt*, vnd  
besiegelt / als zeigte der Herz Sanktler die beide *Com-*  
*mission vñ mandatum in originali* vor / Er achtete vñ  
nötig / zu vermeidung weitleufftigkeit solche öffent-  
lich zuuerlesen / oder *copen* mitzutheilen / weiln vor  
diesem Vielhochgedachten ihren *FF. GG.* bereits  
abschrift zukommen. Nachdem nun mehrbenante  
Fürstliche Herrn Abgesandten das Kaiserlich auff  
gedruckte insiegel vnd *subscription* ersehen vnd ag-  
nosciert / hat obgedachter Herz Sanktler in seiner re-  
de fortgefahren / vnd im nahmen wolgedachtes  
Herrn Graffen gebetten / die Herrn Abgesandten  
woltten solches alles Hochgedachten iren *FF. GG.*  
referiren / mit voriger erholter *resolution* / auch dem  
angehencckte erbieten / das wofern dieselbe bei Kay:  
Mayt: ein anders *Mandatum* außbringen wur-  
den / ihr *G.* durch auß nit abgeneigt weren / solchem  
als dan der getür nachzukommen vnd ein benügen  
zuthun. Der zuuersicht / ihre *FF. GG.* werden an  
solchen



solchen erbiethen / so vor Gott vnd des Heiligen  
Reichs Chur: Fursten vnd andern Stenden zu  
recht gnugsamb were / sich der zeit begnügen lassen /  
Wan aber gleich woll auch ein ander vnd dem voris  
gen wiedriges Mandat bei Kay: May: außbracht  
vnd erhalten werden solte / were dennoch zuwissen /  
das ihrer G. an gnugsamen fueg vnd rechten dieser  
sachen halben gar nit ermangelte / Dan die Statt  
Lippe sei vor Jahren einzig vnd allein der Graffen  
von der Lippe pur lauter *allodial* vnd eigenthumb  
lich zugehörige Statt gewesen / so aber hernach vff  
gewisse beding ahn die Graffen von der Marck zur  
halbscheidt kommen / welche beiderley Graffen sich  
hernach desfalls / vnd wie es auff den fall / da die  
Graffen von der Marck abgehen wurden / auff ge  
wisse maß vnd weiß verglichen / Welche Erbein  
gung vnd dabei beschehene handlungen noch bei ih  
rer G. *in esse* vnuersehr verwahrt verblieben / dens  
en dan ihr G. sich zubequemen vnd zugeleben ge  
meint / damit kunfftig *dero posteri* vnd Nachkom  
men sich desfalls gegen sie in nichts zubeclagen het  
ten. Das nun aber ihre FF. GG. ab den vermeint  
ten *grauaminibus*, vnd wie sie genent werden / ge  
waldthaten / protestiren / vnd ahn die Röm: Kay:  
May: vnd des Heiligen Römischen Reichs Chur:  
Fursten vnd Stende prouociren vnd appelliren /

wollen ihr G. solches an seinen ort gestellt/ der Appellation aber weiter nicht/ dan ihr von Rechts wegen gebüret vnd sie schuldig deferirt haben/ Die machen sich aber keinen zweifel/ ihre Kay: May: do die sach bei dero introducirt wirdt/ werden es bei voriger declaration bewenden lassen. Verhoffen auch ihr FF. GG. werden ihrer G. vnd dero Vnderthanen mit dero in vielangeregter verlesener protestation, oblation cautionis vnd euentual prosecution angedrohetē armata defensione vnd kriegswesen gnedig beschönen/ vnd sich an ihrer G. als einem vnmittelbaren standt des Heiligen Römischen Reichs thatlich nit vergreifen/ weil ihr G. sich nochmaln dahin erbieten/ was die Röm: Kay: May: des Heiligen Römischen Reichs Chur: Fursten vnd Stende hierinnen erkennen vnd iudiciren werden/ ahn deme wollen sie sich allerdings ersettigen lassen/ Die wollen aber dieses alles ahn ihre Röm: Kay: May: furderlichst gelangen/ vnd vmb dero erklerung vnd resolution anhalten lassen. Baten entlich nochmaln/ solches alles ihren FF: GG. vnderthenig zu referiren vnd zubitten/ Weill bis anhero die Chur: vnd Fürstliche Heuser Pfaltz vnd Brandenburg mit dem Haus Lippe in verrewlicher correspondenz gestanden/ solche auch hinfort zu continuiren/ vnd ihrer G. wie bis anhero  
gnedige

aneditige vnd geneigte Herrn vnd freuntt zubleiben.  
Darauff der Herz Licentiat beiseins obgemeltes  
Herrn Drosfen geantwort/ es hette zwar die vor  
gelesene schrift etwas lang zulesen gewehret/ vnd  
sey also ihrer G. discommodirlich vnd beschwerlich  
zustehen gewesen: Weiln aber ihnen selbige gantzlich  
zuuerlesen comittirt vñ anbeuohle/ Als beten sie die  
Herrn Gesandte vndertheniglich/ ihr G. wollen ih  
nen solches nicht in vnguten beimessen/ were ihnen  
ihr G. Leibs schwachheit von hertzen leidt/ hetten  
vmbstendtllich ihr G. gethane resolution angehört  
vnd vernommen/ wolten dieselbe ihren FF. GG.  
in kunfftig bestes vnd getrewes fleiß vnderthenig  
lich referiren. Geschehen ist dieses alles/ im Jahr/  
Monat/ Tag/ Stundt vnd ortt wie obstehet/ In  
beisein vnd gegenwart obbenanter Bertram Mars  
cker vnd Scoto von Stipel als glaubwürdiger hie  
zu besonderbar erfordereten gezeugen.

Vnd demnach ich Johan Dorbecher von Paa  
derborn auß Pabst: vnd Kayserlicher macht offen  
barer Notarius bei oben einuerleibter requisition/  
auscultation/ vnd vidimation/ folgents verlesung  
der protestation *cum inserta oblatione de non turz  
bando, nec non euentuali prouocatione* darauff er  
folgter resolution/ vñd sonstn allen *actibus*  
vñd

vnd handlungen neben obbenenten gezeugen per-  
sonlich gewesen/ also zugeschehen geredt/ gelesen  
vnd gehandelt zuwerden gesehen vnd gehört/ Hier-  
umben hab ich diß offen Instrument in diese form  
gebracht/ mit eigenen handen geschrieben/ vnter-  
schrieben mit meinem Tauff vnd zunahmen/ vnd  
neben gezeichneten gewöhnlichen Notariat zeichen  
betroffiget: *Ad premissa specialiter vocatus, rogatus  
& requisitus.*

Johan Dorbecher Notarius publicus.

Einthemalich Arnoldus Aueradt offner Kay-  
serlicher Notarius bei obgedachter protestation vñ  
allen einuerlebten handlungen/ als oblaut/ person-  
lich neben gemeltem Notario Joanne Dorbecher  
zugegen gewesen/ selbiges angesehen vnd gehört/  
Als hab ich nach beschener collation mit meinem  
gehaltenen Prothocol vnd befundener gleichheit diß  
offenes Instrument mit meinem nahmen vnd zu-  
nahmen unterschrieben/ vnd meinem gewöhnlichen  
en Notariat zeichen: *ommunirt, in fidem premissorum  
ad hoc specialiter requisitus & rogatus.*

Pfandts

Pfandtsuerschreibung zwischen Joncker Simon  
van der Lippe/ vnd Herrn Engelbrechten Graffen  
to der Marcke/ ic.

**S**imon Joncker van der Lippe/bekennet vnd betueget in dusem openem brieue/ dat wy mit guden willen vnd ganker volbort/ Browen Ermgarden vnser Eliken Browen/ Berndts vnser Soens/ Leneken Catrinen vnde Eifen vnser Dochtere/ vnd all vnser rechten Eruen vnd Aneruen hebbet versatt vnd versetzt vnse Stat to Lippe mit aller oerer herlicheit Lenwerschap/ geistlick offte wertlick mit oren Gerichte/ vnd Rechte/ vnd aller toebehoeringe/ vnd thouerfalle/ also wy dat hebbet vnd gehat hebben want an diese tyt/ vnse lieuen Neuen/ Herrn Engelbrechte Grauen to der Marcke/ vnd synen rechten Eruen/ vor achte dusent lodige Marck guetes Westfelsches suluers/ also in vnser vurschreuen Neue Statt thom Hamme werich vnd wichtig is/ Vere oick dat Browe Richarde vnse Nöne van der Lippe affliulich wurde/ von dodes wegen/ wat se danne in erer Lyffsucht gehat hedde/ binnen vnser Stat van der Lippe offte erer Beltmarcke/ et were an Moelen/ an Morgenorne/ an Penninck gulde offte in weleker

D

gulde

Gülde et were/ dat solde vallen na eren dode an vn-  
ser Neuen van der Marcke/ vnd syne Eruen vursz.  
vnd solde bliuen vnd wesen in duffer vursz. Sate  
vnsere Stadt tor Lippe also lange dat wy offte vnse  
Erue die Sate wieder loesen van vnser Neuen/  
vnd seinen Erue vursz. vnd wy vnd vnse Erue sol-  
let vnd willet vnser Neuen vnd synen Erue vrede-  
licken vnd ruz elicken besitten laten/ an duffer vursz.  
Sate vnser Stadt tor Lippe also lange dat wy offte  
vnse Erue vnser Neuen offte synen Erue duffe  
vursz. achte duzent Lodige Marck offte ere gewer-  
de in guten golde/ hebben betalt offte wedergege-  
uen/ Vnde wannehe wy offte vnse Erue vnse  
Stadt tor Lippe mit der Sate also vursz. is/ willet  
weder losen van vnser Neuen van der Marcke off-  
te van synen Erue vursz. dat solle wy offte vnse Er-  
ue vnser Neuen offte synen Erue ein halff jair ver-  
kundigen mit vnser Boden offte mit brieue an ere  
gegenwerdicheit/ offte an den Portener des Slo-  
tes to Altenar/ want dat halue jair der verkundig-  
unge vnmme können is/ so solle wy offte vnse Erue  
der vursz. acht duisent lodige Marck offte oer gewer-  
de in gutem gelde betalinge doen/ binnen der Stadt  
tom Hamme vursz. vnser Neuen van der Marcke  
offt synen Erue vursz. vnd die betalinge sollen sy  
danne van vns nemen/ offte van den jenen/ die de  
betalinge

betalinge dan van vnser offte vnser Eruen wegen/  
dar bōdet de wy offte vnse Eruen dair to satet/ vnd  
we de danne syn/ de fall vnse Neuen vnd syne Eruen  
vursz danne volgen/ vnd dat vursz. Suluer offte  
syn gewerde in gelde also vursz. is/ binnen der voors  
benompte Stadt tom Hamme vnbesat vnd vnbes  
kommert/ vnd dair buten mit dem besten dat se kon  
nen na erer moege. Alle dūsse vursz. sache vnd artis  
kule loue wy Symon Joncker van der Lippe vursz.  
vnd Berndt vnse Sone vor vns vnd vnse Eruen  
stede vnd vest vnuorbrotten tho haldende/ alle arge  
list vnd nyne vunde vithgesprocken/ vnd hebbet des  
tho bekandnisse vnse insiegele tho tuige an dussen  
brieffe gehangen. Datum Anno Domini M. ccc.  
*Septuagesimo sexto ipsa die beatæ Margarete virginis.*

**Erbuereinigung zwischen Herrn Johan Herzogen  
von Cleue vnd von der Marcke/ vnd Herrn Berndt  
vnd Symon Grauen tho der Lippe.**

**W** Johan alsie Sohn van Cleue  
vnd van der Marcke van einer  
syden/ vnd wir Berndt vnd Si  
mon Herrn to der Lippe van der  
D 2 ander

ander syden/ doen kundt allen Lunden/ Also as wy  
Johan vorgemelt vnd vnse Vorfahren die Stadt  
van der Lippe mit Herlichkeit/ Verichten/ hohe vnd  
lege Renten/ Vpfohmungen/ Veruallen vnd an-  
ders oere tobehörungen van vnser lieuen Neuen  
Bernt vnd Eymon vurgemelt vnd oren Vorfah-  
ren vele jaire herwert pandkweise ingehat hebben  
vur acht duisent marcke lodiges Suluers/ 2c. als  
die brieue darup gegeuen dat vitwisen/ So bekens-  
nen wy Johan/ Bernt vnd Eymon vurgemelt vor  
vns vnser Eruen vnd Naekommling/ dat wy nu by  
raede vnser vrienden von beiden sieten mit guedem  
furbedachdem moide vnd raide/ gutlichen einß ge-  
worden syn/ vns vereenigt hebben vnd verstricket/  
einß werden vnd verstricken innen vñ auermitz die-  
sen brieue/ Also dat wy Johan vurgedacht vur vns  
vnd vnse Eruen vnd Naekommlingen vp sodane  
verpandschap vertegen hebben/ vnd verthen in  
crafft dieß Brieses/ so dat wy die helffte deser vure-  
gemelter Stadt van der Lippe mit alle oerer Her-  
lichkeit/ Verichten/ hoige vnd lege Renten/ Vpfö-  
mungen/ Veruallen/ vnd anders oere tobehoerin-  
gen binnen vnd buiten der Stadt Lippe gelegen/  
vnd wesende in der vurgedachter vnser Neuen vnd  
oere vredlicker hebbender vnd gebruckender were/  
gestalt hebben/ vnd stellen in dieser schrieffte/ sy oere  
Eruen



Eruen Naekommelingen die erflicken tohebben/ to  
behalten/ vnd der/ als Erffherm thoгеbrucken den  
alle argelist/ Vnd wy Bernt vnd Symon vursz.  
hebben wederumb vur vns vnser Eruen vnd Naes  
kommelingen vpgelaten/ Vplaten vnd auergeuen  
in crafft dieß briefes den vurgedachten Hochgebo  
ren vnsern lieben Neuen Johan alste Sohn van Gles  
ue vnd van der Marke synen Eruen vnd Naekō  
melingen/ die Erffthall der anderer helffte der vursz.  
Stadt van der Lippe/ vnd hebben dieselue Stadt  
Lippe halff mit oerer Herlichkeit/ Gerichten/ hoege  
vnd lege Renten/ Gūlden/ Vpfomingen/ Verual  
len vnd anders oere thobehoringen binnen vnd buis  
ten der Stadt Lippe gelegen vnd wesende/ gelaten/  
gestalt/ Stellen vnd laten in des vursz. Hoichgebo  
ren vnsern lieuen Neuen Johans vnd syner vredlicker  
hebbender vnd gebruckender were/ hie syne Eruen  
vnd Naekommelingen die helffte thohebben/thobe  
halten/ vnd der als Erffherm thoгеbrucken ohn ab  
le argelist/ vnd darup hebben wy gantzlichen/ erff  
licken vnd ewiglichen vortegen/ vnd vertigen vor  
vns vnser Eruen Naekomlinge in crafft dieß Brie  
ues nimmermehr darup thosakenen/ vñ wy Bernt  
vnd Symon vurgedacht vnser Eruen vnd Naekō  
melinge sollen vnd willen sie die Erffthall der helffte  
der vurgemelter Stadt mit den Herlichkeiten/ Ge

Rechten/ Renten/ Bpfomlingen/ Veruallen vnd  
thobehoeringen vollkommen vnd rechte warschap  
doen/ vnd sy der werende/ wesen sonder alle arge-  
list/ Vnd wy Johan/ Berndt vnd Symon vursz.  
vnse Eruen vnd Naekomlingen sullen vns halden  
mit der Stadt tho der Lippe in dieser wiese/ soe dat  
die Stadt tho der Lippe vns Johan vursz. vnser  
Eruen vnd Naekomlingen tot vnser helffte/ vnd  
vns Berndt vnd Symon vursz. vnser Eruen vnd  
Naekomlingen tot vnser helffte/ as oeren rechten  
Erffherm hulden/ vnd eide von truwen thoen sol-  
len/ Vnd darumb sollen vnd willen wy dieselue vns-  
se Stadt Burgere vnd medetwohners dairselues/  
vnd die oere/ als vnse lieue getruwen Vnderfaten  
beschermen/ vnd sy in vnser gueder/ steder vnd va-  
ster luyterer gnade/ schutte vñ scherme hoiden/ wa-  
ren hebben/ vnd nae vnser vermoegen truwelicken  
behalden/ gelick wy andere vnse Burgere vnd Vn-  
tersaten behalden sollen/ vnd an oere Priuilegia/  
Rechten vnd vnd guede gewoenten halden/ sie der  
gebruicken laiten/ vnd an die besteddigen/ soe an die  
van vnser Vorfahren gegeuen sijn/ vnd sy die ges-  
hat hebben/ vnd wy Johan vnse Eruen vnd Naes-  
komlingen tot vnser helffte/ vnd wy Berndt vnd

Symon

Eymon vnser Eruen vnd Naekomlingen tot vnser  
helffte/ sollen vnd mögen illicker Parthie einen  
Ambtman aldair setten/ die darinne Ambtgewie  
se vopboeren vnd nemen/ alle Renten/ Gülde/ Ver  
uallen vnd Vpfomingen buiten vnd binnen vnser  
Stadt vursz. so dat vns die samentlicken vnd all  
werden einen jeglichen van vns Partien die helffte  
na maten/ vnd der Erffstall vursz tho queder Reco  
kenschap. Vnd wy vnser Eruen vnd Naekomlin  
sullen aldair oick samentlicken vnd eintrechtelicken  
einen Richter vnd Gerichtsbaden/ so vele man  
der darff vnnnd gewohnlicken is/ setten/ die sullen  
oick einem jeglichen van vns tot synen diel/ gelick  
dienen/ Eide doen vnd Trewe wesen/ also dat vns  
gheim von einiger syten vor den andern van den/  
vnd darinne gheinen verstant hebben soll/ oick sub  
len vnd moegen wy illicker van vns tot vnser diel  
gelickh bruicken vnd hebben dat huifz vop der M  
ren/ dat dar geheiten is der Herrn Huifz/ Id en  
were dat vnser welek tot einiger tyt dat allein  
bruisende mit des andern queden willen vnd vol  
bert/ vnnnd vnser gheen soll einige Beste bowen  
binnen der vursz. vnser Stadt Lippe/ noch einige  
opsait/ off wat handelen mit derseluer Stadt

im h  
in

In hinder des' andern/ vnd solt man einige vpsalte/  
off handelingen vns samentlicken/ vnd der vursz.  
Stadt dienende/ maken off handelen/ dat solde mit  
vns aller guete willen/ weten vñ volbort aeshien/  
vnd niet anders/ dan wie vnse Eruen vnd Naekom-  
lingen samentlicken/ vnd vns jkelic besonder/ moe-  
gen vns allewege/ wan vns einich vursz. des behoe-  
uende wurd vnd thodoen hebben/ inne vnd vit der  
vursz. Stadt Lippe vnd oere thobehoeringen mit  
veheden vnd anders behelpen/ tegen jedermalick/  
vitgescheiden onser ein tegen den andern/ dat ye nit  
wesen soll/ Waer oick saeke/ dat vns Herrn vursz.  
welek sonder lieues Eruen vergingen/ dat Gott nae  
synem willen versien wille/ So wy dan van vnser  
Eruen in vnser Lande/ welek vor einen Herrn que-  
me genommen vnd toegelaten wurde/ dem vnd den  
solden oick die vurgemelte Stadt Lippe Hulden/ vñ  
eide von treuwen thuen/ illicken tot synem diel vursz.  
Also dat die Stadt van der Lippe/ vñ vort wes  
dartho gehoren fall/ off van gewynne dar wat tho-  
queme/ by vns Johan vursz. vnd vnser Lande van  
der Marcke/ vnd by vns Bernt vñ Symon vursz:  
vnd vnser Herschap van der Lippe Erslicken blie-  
uen soll/ oen geuehrde vnd sonder all argelist/ Ock  
hebben wy Johan/ Bernt vnd Symon vursz. vn-  
se Eruen vnd Naekommelingen samentlicken vns  
ein

ein mit den andern vns vereiniget/ verstricket/ vnd  
to den ewigen tagen verbonden/ Vereinigen/ ver-  
stricken vnd verbinden in vnd auermitz dessen Brie-  
ue/ dat vnser ein des andern Lande Vntersaten/  
Luide/ Stede/ Schloite/ Bestenisse vnd Dorpe/  
die wy nu hebben vnd hiernamals kriegen mögen/  
treuwelicken sollen vnd wollen beschermen/ beschud-  
den vnd verdedingen helpen// vnd den schaden ver-  
hueden/ vnd vns ein den anderen darin vestiglicken  
vnd truwelicken beistan/ dar wy moegen vnd köns-  
nen/ nae aller vnser macht vnd wyschap/ vnd dat  
doen so dück vnd vaeke vnser ein dat van den ande-  
ren erheischende wurde/ sonder intrach vnd oen ar-  
gelist/ Wer oick saicke/ dat einich gebrecke off sche-  
ling vnder vns Herrn vursz. vnser Eruen vnd Na-  
kommelingen off vnse Ambtlunden opstunde( dat  
Gott verhueden wolle) omb sullich gebreck vnd sche-  
linge sullen vnd willen wy kiesen malck twee vns  
frunde/ die vns darumb scheiden in frundtschapien  
offt Recht/ Kunden vns auer dieselue vns vrinde  
nit gescheiden/ was gebreecks vnd schelinge ein diel  
off alle doran werdenmöcht/ solch gebreck vnd sche-  
ling sullen wy/ vnd die vursz. vnse vrinde bringen  
an den geschwaren vnser Nade der vursz. Stadt  
Lippe/ wes die dan darup saggende werden/ in  
vriendtschap offt Recht/ dar sullen wy mede geschei-  
den

E

den

den wesen/ des volgen/ vnd vns damede genuegen  
laten/ Wer o.ck sake/ dat wy off vnser innich/ off  
vnser einichs Eruen vnd Naekommelingen tot ei-  
niger tyt vp einich der puncten in diesen Briue be-  
grepen/ einige vorder Bestemisse off confirmacien  
behoiffen/ vnd vns einiger noth wurde/ dat were  
von dem H. Römischen Reiche off anders/ dartho  
sullen vnd willen wy truwelicken vns ein den ande-  
ren geuolgich/ behuiplich/ bestendig sein/ vnd vnser  
consente vnd gueden willen dartoec geuen/ vnd off  
dat wat kosten solde/ die kost sullen vnd willen wy  
samentlicken staen vnd doen/ so duck as es noth  
werden möchte/ sonder insage vnd oen argelist/ Al-  
le diese vurs. puncten samentlick vnd ein jeglich be-  
sonder sullen vnd willen wy Johan/ Berndt vnd  
Eymon/ vnse Eruen vnd Naekommelingen vns  
ein den anderen truwelicken thon bestien kieren vnd  
halden/ sonder einigerley argelist/ vnd went wy wil-  
len/ dat alle dese puncten burgerurt von vns vnser  
Eruen vnd Naekommelingen stede vnd vast sollen  
gehalden werden/ So hebben wy Johan/ Berndt  
vnd Eymon vurs. vor vns/ vnse Eruen vnd Naek-  
ommelingen vns ein den anderen mit vnser lieflis-  
chen vingern recht gestaeuender ede tho den Hei-  
ligen gesch. woren/ Alle puncten vnuerbreckelich tho  
halden/ vnd tho vollentrecken/ in desen briue be-  
grepen

grepen oen gefehrde vnd alle araelist/ Diek so duck  
vnd wannehr vnser Eruen vnd Naekomlinge einich  
aflinich wurdt/ die ghene die dan ein rechte Erue  
vnd Naekommelich solde syn/ vnd in den deil der  
Stadt Lippe kommen soll/ die Huldunge vnd Eide  
von Treuwen vander Stadt tho empfangen/ die  
fall alle diese puncten vnd inhalt diesz bricues rech-  
ter gestauender eide tho den Heiligen schweren/ tho  
halden/ gelick wy gedaen hebben/ vnd dat doen/ er  
vn van der Stadt Lippe einige Huldunge off eide  
von Treuwen geschien fullen/ Vmnd wy Johan/  
Berndt vnd Symon vursz. hebben diesz tho vorkun-  
de vnd sekerheit/ vur vns/ vnse Eruen vnd Naeko-  
melingen vnse ingesiegele mit vnser aller gueter we-  
ten an dessen brieff thun hangen/ Hiermede aen  
vnd auer gewest syn/ Dedings luyde vp vnse Jo-  
han alste Soene van Cleue vnd van der Marcke  
ein syde vnse lieue getreuwen Conradt Steckel/ Gos-  
wien Ketter/ Lubbert Torck/ Glamerbusche/ Die-  
derich Mallinkrott/ vnd Bartholomeus van der  
Lake/ vnd vns Berndts vnd Symons Herin thor  
Lippe/ Op die ander syden/ vnse lieue getreuwen  
Johan van Mollenbefe/ vnse Ambtman/ Johan  
van der Borg/ Gordt van Exterende/ Arnoldus  
Berndinck/ Burgermeister tho Lemao/ Gegeuen  
in den jair vns Herrn Dunsent/ Vierhundert/  
vief

viess vnd viertich / vñ den Guedestage nach den  
Contage Latare in der Basten. 2c.

Kayserliche Commission auff Graff Simon  
zur Lippe gerichtet.



Ir Rudolff der ander von Gottes gnaden erwölter Römischer Kayser / zu allen zeiten mehrer des Reichs in Germanien / zu Hungarn / Bohaimb / Dalmasien / Croatien vnd Schlawonien König / Erzherszog zu Oesterreich / Herzog zu Burgundt / Steir / Gärnten / Crain vnd Württemberg / Graue zu Tyrol / Bekennen öffentlich mit diesem Briue / vnd thun kundt allermenniglichem / das vns der Edel vnser lieber getrewer Simon Graue vnd Herz zur Lippe / vnser Reichs Hoffrath / vnd Niderlendischer Westphalischer Graiß Obrister gehorsamblich zuerkennen geben / Nachdem ihm ein halb theil an der Stadt Lippe / vnd der ander halbe theil dem Hochgebornen Johan Wilhelm Herzogen zu Gulich / Cleue vnd Berg / 2c. vnsern lieben Vettern vnd Fürsten zugehörig / vnd derhalben er in sorgen stehen musse / das bei so gefehrlichem standt / in welchem sich jetziger zeit die benachbarte Gulichsche / Cleuische



Gleuische vnd Bergische Lande befinden/ vnd bei  
dero vngewissen Succession deroselben/ da der ietzt  
regierender Herzog ohne Eheliche leibes Erben  
mit thodt abgehen wurde/ gedachter sein halber  
theil auff solchen falle leichtlich in vnrube vnd gefahr  
gesetzt werden möchte/ gehorsamblich bittendt/ wir  
geruheten noch bei lebzeiten besagtes Herzogen die  
verfuegung zuthun/ damit er in kunfftiges keine  
hindernis/ gefahr noch truesal an seines halben  
theil zubefahren hette / Wan wir dan in gnaden  
betrachten/ die sonder gehorsamb trewe/ ansehens  
liche vnd ersprießliche vielfaltige diensten/ die vns  
obgedachter Graff vnd Herz zur Lippe mit allein  
bei seinem tragenden Westphalischen Grais/ Obri  
sten Ampt/ vnd allerley ime anbeuohlenen Com  
missionen/ sondern auch bei vnsern Hungarischen  
Kriegswesen/ mit auffbrenng vnnnd werbung einer  
anzall Kriegsvolcks zu Ross geleistet/ vnd hinfurt  
noch weiter leisten kan vnd soll. Als haben wir auß  
Kayserslicher macht vnd authoritet/ auch von vns  
vnd des Heiligen Reichs interesse wegen/ ime auff  
oberzehnten fall/ da nemlich obbemelter Herzog  
ohne Eheliche Leibs erben mit thodt abgehen wur  
de/ gewalt vnd macht verliehen vnd gegeben/ Ver  
leihen vnnnd geben dieselbe hiemit an crafft dieses  
briefes/ das er neben seinem/ auch den andern ob  
besagtes

besagtes Herzogen halben theil ahn der Stadt  
Lippe/ von vnser vnd des Hey. Reichs wegen als  
vnser Kay. Mayt. Commissari also vnd in dem  
standt/ wie derselber sich jetziger zeit befindet/ bis  
wir oder vnser Nachkommen an Reich/ ein an-  
ders verordnen oder beuehlen wurden/ einhaben/  
vnd die *justitiam* daselbst/ allermassen dieselbe ge-  
genwertig administrirt wirdt/ Administriren vnd  
sonsten alles thun vnd volnziehen solle vnd möge/  
was mehrgedachter Herzog wegen seines halben  
theils/ daselbsten zuthun vnd zuvolnziehen befuegt  
ist/ Beuehlen vnd gebieten hierauff mennlich/  
was Standts oder Wesens die sein/ von Röm.  
Kay. Macht/ bei peen Siebenzig Marck Lottiges  
Goldes in vnser Kayserliche Cammer vnabliesz-  
lich zubezahlen/ das Sie obgedachte Graffen vnd  
Herrn zur Lippe vber mehrbesagten halben theil  
vor vnsern Kay. Commissarien erkennen vnd hal-  
ten/ vnd wieder diese vnser volmacht vnd gewaldt  
mit dem wenigsten nit thun/ noch das jemandts  
gestatten in keine wege noch weise/ Als lieb einem  
jeden seie/ Vnser vnd des Hey. Reichs vngnadt  
vnd obbestimbte poen zuuermeiden. Mit vrfundt  
dieses Briues besiegelt mit vnserm Kay. auffge-  
druckten insiegel/ Geben auff vnserm Königlichen  
Schloß Prag den 20. Monats tag Martii/ im  
sechszes

sechszehen hundert vnd andern jahr/ Unserer  
Reich des Römischen im 27. Des Hungarischen  
im 30. Vnd des Boheimbischen auch im sieben  
vnd zwanzigsten.

Rudolff.

Ad Mandatum Sacrae Cæsareæ Ma-  
jestatis proprium.

I. Baruitius subsc

ML

Handwritten text, likely bleed-through from the reverse side of the page. The text is mirrored and difficult to decipher due to the paper's texture and age.

Handwritten text, possibly a signature or a specific reference mark.

Ad Mandatum Sacre Curie  
Istius provincie

I. Bannus




*Ng 2275. 8v*




**ULB Halle** 3  
005 131 898  


*kom*







MENTVM  
 TATIONIS,  
 ERTA OBLA-  
 de non turbando:  
 catione: der Durchleuchtigen  
 d Herz/ Herrn Ernsten Mar-  
 in Preussen/ zc. Herzogen/ zc.  
 Wilhelmen Pfalzgraffen bei  
 r zogen/ zc. contra des Wolge-  
 braffen vnd Edlen Herrn zur  
 aldsame attentata, ahn  
 r Statt Lippe.

Pfandsuerschreibung /  
 und angegebener Kayserlichen  
 er vnpartheyische Leser zu-  
 n es numehr in der  
 nen wolle/ zc.



B. Statt Dusseldorff durch  
 yß/ im jahr 1610.

